

Kata Adjektif

- Dikenali sebagai kata sifat.
- Merujuk kepada perkataan yang menunjukkan atau menerangkan 'sifat' bagi sesuatu perkara.
- Boleh diikuti atau didahului dengan kata bantu.
- Kata adjektif boleh dibahagikan kepada sembilan jenis, iaitu:

Jenis	Contoh
Sifat/Keadaan	Kuat, pandai, mulia, keras, lemah
Warna	Jingga, hitam, merah, biru, kuning
Ukuran	Nipis, panjang, lebar, kurus, pendek
Bentuk	Bulat, bujur, leper, lonjong
Waktu	Lewat, suntuk, lama, awal, kini
Jarak	Jauh, dekat, hampir, nyaris
Cara	Pantas, tenang, deras, gopoh
Perasaan	Takut, gelisah, sayang, benci, segan
Pancaindera	Sentuh : kasar, licin, keras Dengar : merdu, garau, gemersik Pandang : Buruk, cantik, hodoh Bau : wangi, busuk, hapak, harum Rasa : manis, masin, pedas, tawar

LATIHAN

Kenal pasti kata adjektif jarak, pancaindera, ukuran dan sifat dalam bahan.

Pada cuti semester yang lalu, aku dan keluargaku bercuti ke sebuah tempat peranginan yang terletak jauh di utara, iaitu Pulau Langkawi. Aku dan adik-adikku berasa sangat teruja kerana itulah kali pertama kami ke sana. Sebelum bertolak, kami mengemas barang-barang keperluan. Kami menaiki van baharu ayah yang agak luas dan selesa. Setelah sampai di jeti, kami segera menaiki feri. Masa yang diambil untuk sampai ke Pulau Langkawi adalah selama satu jam dari jeti. Feri itu agak besar dan dapat memuatkan 300 orang penumpang.

Apabila sampai di jeti, ayah segera menyewa kereta untuk pergi ke hotel. Jarak dari jeti ke hotel agak dekat. Setelah sampai di hotel, kami merehatkan diri selepas menempuh perjalanan yang meletihkan. Selepas berehat, tempat pertama kami lawati ialah Makam Mahsuri. Di situ, terdapat catatan sejarah mengenai legenda Mahsuri. Pelbagai maklumat yang kami peroleh sepanjang berada di sana. Aku berasa sangat gembira kerana dapat mengetahui tentang sejarah Mahsuri yang sebelum ini hanya mendengar namanya sahaja tetapi tidak mengetahui sejarahnya.

Pada hari kedua, kami berkesempatan untuk menaiki kereta kabel. Aku berasa sangat seronok. Aku dapat melihat pemandangan di seluruh Pulau Langkawi. Aku dapat menghirup udara yang segar dan nyaman di sini. Pada waktu petang, kami pergi ke Daataran Helang. Kebanyakan mereka datang ke situ untuk mengambil gambar sebagai tanda kenangan.

Adjektif jarak 1. 2.	Adjektif pancaindera 1. 2. 3. 4.
Adjektif sifat 1.	Adjektif ukuran 1. 2.